

遺山新樂府
詞
一之四止


元遺山集



附錄四



^ 16
2700
15



門八 16
2700
15

小麗樂

經葉陰濃。偏池亭水閣。偏趁涼多。海榴初綻。朵朵壓紅羅。乳燕雛鶯弄語。對高柳鳴蟬相和。驟雨過。似瓊珠亂撒。打遍新荷。人生百年有幾。念良辰美景。休放虛過。富貴會。前定何用。苦張羅。命友。逸興。字賞。飲芳。酌酒。斟低歌。且醜酌。從教二輪。乘夜。以梭。

遺山先生新樂府卷第一

遺山先生新樂府卷第一

無錫後學華希閔豫原校

平定後學張穆頤洲重校

水調歌頭

少室玉華谷月夕與希顏叔飲醉中賦此
侍妾名萱。艸芳艸吹笛石城瓊。
壁少室山三十六峯之名也。

山家釀初熟。取醉不論錢。清溪留飲三日。魚鳥亦欣然。見說

玉華詩老。袖有忘憂萱。草牛背穩於船。鐵笛久埋沒。雅曲竟

誰傳。坐蒼苔。敲亂石。耿無眠。長松夜半悲嘯。笙鶴下遙天。

天上金堂玉室。地下石城瓊壁。別有一山川。把酒問明月。今

夕是何年。

與李長源

灘聲蕩。高壁秋氣靜。雲林回頭洛陽城闕。塵土一何深。前日

陽泉山莊

昭和十一年
二月十三日
聯宗

神光牛背今日春風馬耳因見古人心一笑青山底未受二
毛侵問龍門何所似似山陰平生夢想佳處留眼更登臨
我有一卮芳酒喚取山花山鳥伴我醉時吟何必絲與竹山
水有清音
三 緱山
石壇洗秋露喬木擁蒼煙緱山七月笙鶴曾此土賓天為問
雲間崧少老眼無窮今古大藥幾人傳宇宙一丘上城郭又
千年一襟風一片月酒樽前王喬為汝轟飲留看醉時顛
杳杳白雲青嶂蕩蕩銀河碧落長袖得回旋舉手謝浮世我
是飲中仙

四 ○興定庚辰六月望予與河南元好問趙郡李獻能
同游玉華谷將歷崧前諸刹因過少姨祠遂周行廊
廡得古仙人祠壁間然其首章直屋漏雨為所漫剝
殆不能辨燈木石而上拂塵滓滌迫視者久之始可

完讀觀其體則柏梁事則終始二漢字畫在鍾王之
間東井又元鼎所都幽州必賢子虞也夫眷眷不念
幽州者非吾田疇向誰與曰復所事之讎卻曹瞞之
賞衰俗波蕩中挺挺有烈丈夫語氣其死而不心蓋
無疑其能道此語亦無疑觀者不當以文體古今之
變而疑仙語也仙山靈岳宜有閎衍博大真人往
來其間而世人莫之識也予三人乃今見之夫豈偶
然哉再拜留跡以附知音者之未云渾源雷淵題
附仙人詞夢入雲山宮闕幽鶯鶯同侶鴛鳳流桂月
竟夜光不收世俗擾擾成羈鞅醉飛星馭鞭金虬入
仙浪跡追真游龜玉筌蹄四十秋摩霄注壑須人求
覓劍如或笑刻身陽燧非無鹿里壽元鼎以來虛崑
邱東井徒勞冠帶脩松餐竹飲度蜃樓
嵩頂坐嘯垂直鈎祇應慙媿劉幽州
雲山有宮闕浩蕩玉華秋何年鸞鷲同侶清夢入真游細看
詩中元鼎似道區區東井冠帶事崑丘壞壁浣風雨醉墨失
蛟蚪問詩仙緣底事愧幽州知音定在何許此語為誰留
世外青天明月世上紅塵白日我亦厭囂湫一笑拂衣去崧
頂坐垂鈎

五 與欽叔飲時李以同州錄事判官入館司之

長安夏秋雨泥潦滿街衢先生閉戶轟飲鄰屋厭歌呼慚媿君家兄弟半世相親相愛知我是狂夫禮法略苛細言語任乖疏判司官一囊米五車書騎驢冠蓋叢裏鞍馬避僮奴只有平生親舊歡笑窮年竟日未必古人如酒賤可頻置時為過吾廬

六 賦德新王丈玉溪溪在嵩前費莊兩山絕勝處也

空濛玉華曉蕭灑石淙秋崧高大有佳處元在玉溪頭翠壁丹崖千丈古木寒藤兩岸邨落帶林丘今日好風色可以放吾舟百來年筭惟有此翁游山川邂逅佳客猿鳥亦相留父老雞豚鄉社兒女籃輿竹几來往亦風流萬事已華髮吾道付滄洲

七 賦三門津

黃河九天上人鬼瞰重關長風怒捲高浪飛灑日光寒峻似呂梁千仞壯似錢唐八月直下洗塵寰萬象入橫瀆依舊一峯閒仰危巢雙鶴過杳難攀人間此險何用萬古祕神姦不用然犀下照未必依飛強射有力障狂瀾喚取騎鯨客搥鼓過銀山

八 史館夜直

形神自相語咄諾汝來前天公生汝何意寧獨有奇偏萬事麤疏潦倒半世棲遲零落甘受眾人憐許汜臥牀下趙壹倚門邊五車書都不博一囊錢長安自古岐路難似上青天雞黍年年鄉社桃李家家春酒平地有神仙歸去不歸去鼻孔有誰穿

九新長壽齋

蒼煙百年木○春雨一溪花○移居白鹿東○崎家具滿樵車○舊有
黃牛十角分○去聲得山田一曲涼○薄了生涯一笑顧兒女○今日
是山家○簿書叢鈴夜○擊鼓晨趨○人生一枕春睡○辛苦趁蜂
衙○竹里藍田山下○艸閣百花潭上○千古占煙霞○更看商於路
別有故侯瓜

十西京汜水故城登賦

牛羊散平楚○落日漢家營○龍拏虎擲何處○野蔓冒荒城○遙想
朱旗西指萬里風○雲奔走慘澹五年兵○天地入鞭篥○毛髮凜
威靈○一千年成皋路○幾人經長河浩浩○東注不盡古今情○
誰謂麻池小豎○偶解東門長嘯○取次論韓彭○慷慨一樽酒○胸
次若為平

滿江紅 崧山

天上飛鳥問誰遣○東生西沒○明鏡裏朝看青鬢○暮為華髮○弱
水蓬萊三萬里○夢魂不到金銀闕○更幾人能有謝家山○飛仙
骨○山鳥啣林花○發玉杯冷○秋雲滑○彭殤共一醉○不爭毫末
鞭石何年滄海過○三山只是樽中物○暫放教老子據胡牀○邀
明月

二內鄉

老樹荒臺秋興動○悠然獨酌○秋也老○江山憔悴○鬢華先覺人
到中年元易感○眼看華屋歸零落○筭世間唯有醉鄉民○平生
樂○凌浩蕩○觀寥廓○月為燭○雲為幄○儘百川都釀○不供杯杓
身○外虛名將底用○古人已錯○今尤錯○喚野猿山鳥一時歌○休
休莫

三 內鄉半山亭浮休居士張芸叟窪尊石刻在焉

江上窪尊人道有浮休遺迹尊俎地江山如畫百年岑寂白
鶴重來城郭在山花山鳥渾相識更與君載酒半山亭追疇
昔人易老時難得歡未減悲還及身前與身後杳無終極
一笑何須留故事千年誰復知今日拚醉來橫臥隴頭雲林
間石

四 方城商帥國器軍中寄同年李欽用欽用時為西臺掾在長安

漢水方城今古道幾回投迹留滯久浩歌狂醉此心誰識渭
北清光搖艸樹故人對酒應相憶記雨窗相對話離憂秋風
夕風月笛煙霞展身易老時難得鳥飛天不盡野春平碧
我夢秦東亭上飲舉頭但見長安日便與君重結入關期明
年必

五 送希顏之官徐州

元鼎詩仙知音少喜君留迹還有恨故山飛去石城瓊壁萬
里征西天有意四方問舍今何日便金蚪飛馭解移文知無
及淮海地雲雷夕自不負須如執望幕中談笑隱如勅敵
此老何堪丞掾事佳時但要江山筆向楚王臺上酒酣時須
相憶

六

畫戟清香誰得似韋郎詩筆還又見從容車騎徐州西北竹
馬兒童應有語使君姓字人人識是往時曾護國西門金湯
壁千日醉三更席事已去尋無迹對暮涼燈火悵然如失
萬里功名知未免中年離別尤堪惜恨洛陽風雨暗旌旗空
相憶

七

枕上吳山隱隱見宮眉修碧人好在斷腸渾似畫圖相識羅
 襪塵香來有信玉簫聲遠尋無迹恨不將春色醉仙桃迷芳
 席嬋娟月韶華日夢已盡愁仍積江花共江草幾時終極
 錦樹吹殘胡蝶老冰綃翦破鴛鴦隻拚楚雲湘雨一生休休
 相憶

八

一枕餘醒厭厭共相思無力人語定小窗風雨暮寒岑寂繡
 被留歡香未減錦書封淚紅猶溼問寸腸能著幾多愁朝還
 夕春草遠春江碧雲暗澹花狼籍更柳綿閒颺柳絲難織
 入夢終疑神女賦寫情除有文通筆恨伯勞東去燕西飛空
 相憶

九

再過水南
 新添

問柳尋花津橋路年年寒節佳麗地梁園池館洛陽城闕白
 鶴重來人換世淒涼一樹梅花發記水南昨暮賞春回今華
 髮金縷唱龍香撥雲液煖瓊杯滑料羈愁千種不禁掀豁
 老眼只供他日淚春風竟是誰家物恨馬頭明月更多情尋
 常缺

十三泉醉飲
 新添

桃李漫山風日煖朝來開徹東溪上落花流水暮春三月一
 片花飛春意減有花堪折君須折恨百年春事短長亭忽忽
 別金縷唱金蕉拍休直待芳華歇到綠陰青子只供愁絕
 坐上常看尊有酒鏡中莫管一頭如雪料醉來人說次公狂從
 渠說

念奴嬌

欽叔欽用避兵大華絕頂有書見招因為賦此

雲間太華笑蒼然塵世真成何物玉井蓮開
花十丈獨立蒼龍絕壁九點齊州一杯滄海半
落天山雪中原逐鹿定知誰是雄傑我夢黃
鵠移書洪崖招隱逸興尊中發箭筈天門飛
不到落日旌旗明滅華屋生存山正零落幾
換青青髮人間休問浩歌且醉明月

二飲渾源岳神仙會新添

小山招飲恨還丹不到人間豪傑南渡衣冠多
盛集蕭灑蘭亭三月陶冶襟靈留連光景觴詠
今無復黃壚雖近老懷空感存歿誰辦八表
神游古來登覽此日俱湮沒天景雲光搖醉
眼興在珠宮瑤闕布席崧臺脫巾石壁散我
蕭蕭髮短歌悲慨海濤響振林樾

永遇樂

絕壁孤雲冷泉高竹茅舍相望留滯三年相
思千里歸夢風煙上天公老大依然見戲困我
世間羈鞅此身似扁舟一葉浩浩拍天風浪
中臺黃散官倉紅腐換得塵容俗狀枕上哦
詩夢中得句笑了還惆悵可憐滿鏡星星白
髮中有利名千丈問何時有酒如川自歌自放

摸魚兒

正月二十七日予與希顏陪馮內翰文游龍母潭韓吏部釣於龍潭遇雷事見天封題名即此地也既歸宿於近潭田舍翁家是夜雷雨大作望潭中火光如燭明日旁近言龍起大槐中父老云正月龍起前此未見也龍潭寺南窪尊馮丈所名

笑青山不解留客林正夜半掀舉蕭蕭暮景千
山雪銀箭忽傳飛雨還記否又恐似龍潭垂釣
風雷怒山神良苦料只為三年長安道上來
與浣塵土清陰渡渺渺風煙杖履名山

元有佳處山僧乞去聲我溪南地十里瘦藤高樹私自語更須
問窪尊此日誰賓主朝來蒼暮去紫山鳥山花前歌後舞從
我醉鄉路

乙丑歲赴武并州道逢捕鴈者云今日獲一鴈殺之矣其脫網者悲鳴不能去竟自投於地而死子因買得之葬之汾水之上蔡石為識號曰鴈邱同行者多為賦詩子亦有鴈邱詞舊所作無宮商今為改定云
問人間情是何物直教生死相許天南地北雙飛客老翅幾
回寒暑歡樂趣離別苦是中更有癡兒女君應有語渺萬里
層雲千山暮景隻影為誰去橫汾路寂寞當年簫鼓荒煙
依舊平楚招魂楚些何嗟及山鬼自啼風雨天也如未信與
鶯兒燕子俱黃土千秋萬古為留待騷人狂歌痛飲來訪鴈
正處

三 泰和中大名民家小兒女有以私情不如意赴水者三官為蹤跡之無見也其後踏薄者得二尸水中衣服

仍可驗其事乃白是歲此陂荷花開無不並蒂者沁水梁國用時為錄事判官為李用章內翰言如此曲以樂府雙葉怨命篇咀五色之靈芝香生九竅咽

問蓮根有絲多少蓮心知為誰苦雙花脈脈嬌相向只是舊
家兒女天已許甚不教白頭生死鴛鴦浦夕陽無語算謝客
煙中湘妃江上未是斷腸處香奩夢好在靈芝瑞露中間
俯仰今古海枯石爛情緣在幽恨不埋黃土相思樹流年度
無端又被西風誤蘭舟少住怕載酒重來紅衣半落狼藉臥
秋雨

四

憶元龍舊家湖海不應年鬢衰槁翩翩竹馬兒童喜驚見漢
江歸報歸計早黃金印征西已付諸郎了紅雲仙島渺千里
移春濃薰細染春意已傾倒西溪上玉鏡修眉翠掃題詩

曾許誰到溪亭未入奚奴錦望斷綠波春艸君且道人間世
虛名得似歡游好風流未老約款段隨車鳴夷載酒迎我霸
陵道

五樓桑呼漢昭烈廟

問樓桑故居無處青林留在祠宇荒壇社散烏聲喧寂寞漢
家簫鼓春已暮君不見錦城花重驚風雨劉郎良苦儘玉壘
青雲錦江秀色辦作一丘土西山好滿意龍盤虎踞登臨
感愴千古當時諸葛成何事伯仲果誰伊呂還自語緣底事
十年來往燕南路征鞍且駐就老瓦盆邊田翁共飲攜手醉
鄉去

最高樓商於魯縣北山

商於路山遠客來稀雞犬靜柴扉東家歡飲薑芽脆西家留

宿芋魁肥覺重來猿與鶴總忘機問華屋高貴誰不戀問
美食大官誰不羨風浪裏竟安歸雲山既不求吾是林泉又
不責吾非任年年藜藿飯芟荷衣

玉漏遲王辰圍城中有懷浙江別業為飲用弟賦

浙江歸路杳望西南仰羨投林高鳥升斗微官世累苦相縈
繞不入麒麟畫裏又不與巢由同調時自笑虛名負我平生
吟嘯擾擾馬足車塵被歲月無情暗銷年少鐘鼎山林一
事幾時會了四壁秋蟲夜語更一點殘鐙斜照清鏡曉白髮
又添多少

石州慢赴召史館與德新丈別於岳祠西新店明日以此寄之

擊筑行歌鞍馬賦詩年少豪舉從渠里社浮沈枉笑人間兒
女生平王粲而今憔悴登樓江山信美非吾土天地一飛鴻

渺翩翩何許。羈旅山中父老。相逢應念此行良苦。幾許虛名誤。卻東家雞黍。漫漫長路。蕭蕭兩鬢黃塵。騎驢漫與行人語。詩句欲成時。滿西山風雨。

兒女籃輿。田舍老盆。隨意林壑。三重屋上黃茅。賴是秋風留著。舊家年少。也曾東抹西塗。鬢毛爭信星星。卻歲暮日斜時。儘棲遲零落。如昨。青雲飛蓋。追隨傾動。故都城郭。疊鼓疑笳。幾處銀屏珠箔。夢中身世。只知雞犬新豐。西園勝賞驚還。覺霜葉晚。蕭蕭滿疏籬。寒雀。

聲聲慢 內鄉浙江上作

林間雞犬。江上邨墟。扁舟處處經過。袖裏新詩。買斷古木蒼波。山中一花一艸。也留教老子婆娑。任人笑。甚風雲氣少。兒

女情多。不待求田問舍。被朝吟暮醉。慣得蹉跎。百尺高樓。更問平地如何。朝來斜風細雨。喜紅塵不到漁蓑。一尊酒喚元龍來聽浩歌。

洞仙歌 超化蘇碧軒得欽叔書有相調之語因代書以寄寺有長明鐘龕即所見而言

青錢白璧。自買愁腸繞。更恨歡狂負年少。記陽關圖上。尊酒留連。兒女淚。輸與閒人坐釣。茂陵多病後。懶盡琴心。無復求凰與同調。似清風古殿。風動旛搖。晴晝永。惟有龕燈靜照。看胡蝶飛來。澹無情。問牆角戎葵。為誰凝笑。

滿庭芳 正大四年戊子十月汴京遇仙樓酒家楊廣有僧就之。借宿。每酒客散。從外來。臥具有閒贖。則就之。不然。赤地亦寢。一日天寒甚。楊憐其羈窮。飲之酒。僧若媿焉。晨起。僧持酒盃。出同宿者。聞喚聲。少焉僧云。增明亭前牡丹開矣。速往看之。人聞而不信也。已乃果有兩花。僧亦去京師。觀者填咽。酒壚為之一空。楊因獲利不貲。蓋僧以是報楊也。

天上殷韓解羈官府爛游舞榭歌樓開花釀酒來看帝王州
常見牡丹開候獨占斷穀雨風流仙家好霜天槁葉穠豔破
春柔狂僧誰借手一杯喚起綠怨紅愁看天香國豔梅菊
替人羞盡揭紗籠護日容光動玉斝瓊舟都人士女年年十
月常記遇仙樓

二 同座主開
開公賦

妝鏡韶華牙籤名品慣看培養經年何人曾見稿葉敗芳妍
知是毗耶座客三生夢猶有情緣薰香手融春暈雪來見百
花前嫣然誰為笑珠圍翠繞且共留連待詩中偷寫畫裏
真傳繡帽擁霜紫塞瓊肌瑩春滿前新聲在梁園異事并
記玉堂仙

八聲甘州 同張古人觀許由冢古
人名潛字仲外黃人

許君祠層崖上崢嶸幽林入清深坐嵩少風煙濃淡百態立
變晴陰山下一溪流水不受是非侵寂寞懸瓢地黃屋無心
木杪巘岬石冢見人間幾度夕鼎朝鏈問五兵誰作音天
地更生金百年來神州萬里望浮雲西北源沾襟青山好一
尊未盡且共登臨

二

玉京巖龍香海南來霓裳月中傳有六朝圖畫朝朝瓊樹步
步金蓮明月重簾畫燭幾處鎖嬋娟塵暗秦王女秋扇年年
一枕繁華夢覺問故家桃李何許爭妍便牛羊止壠白草
動蒼煙更誰知昭陽舊事似天教通德見伶玄春風老擁鬢
顰黛寂寞鏡前

三

半仙亭籃輿雪中回黃紬日高眠兒婚女嫁奴耕婢織共有
 住山緣夢裏松腴釀熟竹港咽冰泉萬古霜空月此夜清妍
 不愛朝臺暮省愛漢陂魚艇杜曲山田更昭陽遺藁有意
 續伶玄定誰共舊家研削要裴回顧影燭花前西歸好春風
 未老留待明年

蝶戀花 戊辰歲長安中作

一片花飛春意減雨雨風風常恨尋芳晚若箇花枝偏入眼
 樽前細問春風揀醉裏看花雲錦爛只記鶯聲不記紅牙
 板留著佳人鸚鵡殘明朝賸把長條挽

二 甲申歲南都作

牢落羈懷愁有信流水浮生幾見中秋閨千古詩壇將酒陣
 一輪明月消磨盡八月人間秋滿鬢桂樹扶疏更與秋風

近天上姮娥應有恨騎鯨人去無人問

三 白鹿原新齋作

負郭桑麻秋課重十角黃牛分去得山田種鄉社雞豚人與
 共春風漸入浮蛆甕繞屋清溪醒午夢一榻儵然坐受雲
 山供四海虛名將底用一聲啼鳥巖花動

四

春到桃源人不到白髮劉郎誤入紅雲島著意酬春還艸州
 東風一夜花如掃過眼風花人自惱已坐尋芳更約明年
 早天若有情天亦老世間元只無情好

五 同樂舜咨郎中夢梅新添

梅信初傳金點小翠羽多情儘耐風枝裊乞與吟鞵共百繞
 小窗月暗人聲悄枕上詩成還自笑萬斛清愁換得春多

少臨水幽姿空自照羅浮山下孤邨曉

賀新郎

為良佐所親賦

赴節金釵促愛弦間泠泠細雨非琴非筑別鶴離鸞雲千里
風雨孤燈夜哭只雌蝶雄蜂同宿汀樹詩成歸舟遠認宮眉
隱隱春山綠歌宛轉淚盈匳吳兒越女皆冰玉恨不及徘徊
星漢流光相屬破鏡何年清輝滿寂寞佳人空谷人世事
尋常翻覆入塞新聲愁未了更傷心聽得江南曲羯鼓催紅
燭

羯上脫一字 韓本有呼字

醉花陰

候館青燈淡相對夜迢迢無奈掩淚惜分飛好夢空回留得
閑愁在同心易綰雙羅帶只連環難解且莫望歸鞍儘眼
西山人更西山外

鳳凰臺上憶吹簫

寶曆留香錦書封淚要教惱亂愁腸恨鏡鸞雙舞辜負歡狂
日月東城望眼俱夢雲煙樹微茫人何處濃陰靜院口月幽
窻東風萬紅千紫算只有寒梅瘦得何郎想淡妝無語孤影
昏黃好在藍橋舊路也便口口

遺山先生新樂府卷第一

遺山先生新樂府卷第二

無錫後學華希閔豫原校

平定後學張穆碩洲重校

臨江仙 自洛陽往孟津道中作

今古北邙山下路。黃塵老盡英雄。人生長恨水長東。幽懷誰共語。遠目送歸鴻。蓋世功名將底用。從前錯怨天公。浩歌一曲酒千鍾。男兒行處。是未要論窮通。

飲昆陽官舍。有懷德新丈。

世故迫人無好況。酒盃今日初拈。昆陽城下醉蒼蟾。乾坤悲夜永。笳鼓覺秋嚴。夢寐玉溪溪上路。竹枝斜出青帘。故人白髮未應添。浩歌風露下。相望一掀髯。

寄德新丈

選山先生集卷之二
自笑此身無定在北州又復南州買田何日遂歸休向來元
落落此去亦悠悠赤日黃塵三百里嵩丘幾度登樓故人
多在玉溪頭清泉明月曉高樹晚蟬秋

四
自笑此身無定在風蓬易轉孤根羨君歸意滿離尊眼中茅
屋口稚子已迎門回首對牀燈火處萬山深孤村故人
天末賦招魂新詩憑寄取憔悴不須論

五 內鄉寄崧前故人

昨夜半山亭下醉窪尊人日留題放船直到浙江西冰壺天
上下雲錦樹高低世上紅塵爭白日山中太古熙熙外人
初到故應迷桃花三百里渾是武陵溪

六 夏節秋林在內鄉北山

夏館秋林山水窟家家林影湖光三年閑爲一官忙簿書愁
裏過筍蕨夢中香父老書來招我隱臨流已蓋茅堂白頭
兄弟共論量山田尋二頃他日作桐鄉

七 與欽叔飲二首

邂逅一尊文字飲春風爲洗愁顏花枝入鬢笑詩斑發臨千
古意天淡夕陽閑南去北來行老矣人生茅屋三間何人
得似謝東山紫簫明月底高竹倚風鬟

八

明月清風無盡藏平生老子南樓閣閑談笑說封侯誰能知
許事一笑去來休舊見輞川圖畫裏十年辜負歡游百金
早晚得菟裘與君成二老來往亦風流

九 孟津河山亭同欽叔賦因寄希顏兄

試上古城城上望。水光天影相涵。都將形勝入高談。河山君
與我獨恨少髯參。造物戲人兒女劇。狙公暮四朝三百年
都合付醺酣。人家誰有酒。吾欲典春衫。

世事悠悠天不管。春風花柳爭妍。人家寒食盡藏煙。不知何
處火來就客心。然。千里故鄉千里夢。高城淚眼。遙天時光
流轉。鴈飛邊。今春看又過。何日是歸年。

十一 相下與王以道飲席間走筆為賦王予東曹掾時同舍郎也

一段江山英秀氣。風流天下。星郎煙花故國五雲鄉。只知心
事在爭向鬢毛蒼。千古西陵歌舞地。興來忘却悲涼。相逢
一醉莫停觴。東山看老去。湖海永相望。

十二

醉眼紛紛桃李過。雄蜂雌蝶同時。一生心事杏花詩。小橋春
寂寞。風雨鬢成絲。天上鸞膠尋不得。直教吹散臙脂。月明
千里少姨祠。山中開較晚。應有背陰枝。

十三

葉葉荷花開處好。大明湖上新秋。紅妝翠蓋本蘭舟。江山如
畫裏。人物更風流。千里故人千里月。三年辜負歡游。一杯
白酒寄離口。殷勤橋下水。幾日到東州。

十四

紫玉霜華相照映。錦花仍是瓊兒。天邊誰與慰相思。洗妝無
別物。只有斷腸詩。水北水南渾一夢。眼中紅袖烏絲。春風
同是可憐枝。爭教歌酒興。不似洛陽時。

十五 贈仲經女子楚楚

阿楚新年都六歲掌中一捻嬌春詩中有筆畫難真芝香雲
作朶魚細錦為鱗舊說張門多靜女更和靈照情親外家
氏誘談休遣孔兄嘆異時看小妹林下謝夫人

十六

新添張光甫家兒子咬驢

膝上添丁郎小小鵝雛彩鶴初勻書堂合與孟家鄰誦詩琴
□□□墨沾脣頭玉曉曉眉刷翠更將秋水為神看花
留待百年春金鞍南陌上驚動洛陽人

十七

連日湖亭風色好今朝賞徧東城主人留客過清明小桃如
欲語楊柳更多情為愛暮雲芳草句一杯聊聽新聲水流
花落歎浮生故園春更晚時節已啼鶯

十八

新添贈答飛卿弟

壯歲論交今晚歲只君知我平生六年相望若為情呂安思
叔夜殘月配長庚濟上買田堪共隱嵩丘朝暮陰晴紫雲
仙季白雲兄風流成二老林下看昇平

十九

新添唐子西酒名齊物論又曰養生主

誰喚提壺沽美酒浮生多負歡游窻明窻暗百年休涼風催
鴈過春水帶花流仰視浮雲空自詭往還歲月悠悠三山
那有鳳麟洲一盃齊物論千古醉鄉侯

三奠子

同國器帥長佐仲澤置酒南陽故城

上高城置酒遙望春陵興與廢兩虛名江山埋玉氣草木動
威靈中原鹿千年後儘人爭風雲寤寐鞍馬生平鐘鼎上
幾書生軍門高密策田畝臥龍耕南陽道西山色古今情
二離南陽後作

悵韶華流轉無計留連行樂地一悽然笙歌寒食後桃李惡
風前連環玉迴文錦兩纏綿芳塵未遠幽意誰傳千古恨
再生絳綰衾香易冷孤枕夢難圓西窗雨南樓月夜如年

行香子 浙江上作

漫漫晴波澹澹雲羅傍春江是處紅過桃花解笑楊柳能歌
儘百年身千古意兩蹉跎酒惡無聊詩苦成魔只閑情不
易消磨幾人樵徑何處山阿恨夕陽遲芳草遠落紅多

江月晃重山 初到崧山時作

塞上秋風鼓角城頭落日旌旗少年鞍馬適相宜從軍樂莫
問所從誰候騎纔通薊北先聲已動遼西歸期猶及柳依
依春閨月紅袖不須啼

感皇恩 洛西為劉兄景玄賦秋蓮曲

金粉拂霓裳凌波微步瘦玉亭亭依秋渚澹香高韻費盡一
天清露惱人容易被西風誤微雨岸口斜陽汀樹自惜風流
怨遲暮珠簾清竹應有阿溪新句斷魂誰解與煙中語

二

夢寐見并州今朝身到未怕清汾照枯槁百年狂興盡與家
山傾倒黑頭誰辨得歸來早梁苑綠波長安春草惆悵行人
暗中老故人相送記得臨行曾道故園行樂地依然好

三 新添壽韓侯恬然

水上覓紅雲雲藏仙島雲外晴峰翠於掃東園行樂一洗山
林枯槁萬金誰辦得安閑早石上玉芝松間瑤草容易休教
使君老壽盃宮袖醉眼風荷翻倒錦堂花與月年年好

四 新添張侯壽席此州樂府再揚一曲方盛

天外想春來。春來天上。樂府垂楊新動唱。扁舟西子。併與雲帆無恙。五湖將底用黃金像。水閣清深。晴樓蕭爽。絲竹留教助清賞。松腴仙酌。萬斛口泉供醜。壽杯先領取。山中相。

促拍醜奴兒

閑閉公

風雨替花愁。風雨罷花也應休。勸君莫惜花前醉。今年花謝。明年花謝。白了人頭。乘興兩三甌。揀溪山好處追游。但教有酒身無事。有花也好。無花也好。選甚春秋。

二 學閑閉公體

朝鏡惜蹉跎。一年年來日無多。無情六合乾坤裏。顛鸞倒鳳。撐霆裂月。直被消磨。世事飽經過。算都輸暢飲高歌。天公不。禁人間酒。良辰美景。賞心樂事。不醉如何。

三 賀人生子

朱麝掌中香。可憐兒初浴蘭湯。靈椿未老丹枝秀。東鄰西舍。排家助喜。沽酒牽羊。天與讀書郎。便安排富貴文章。高門自有容車日。明年且看青衫竹馬。鴈鴈成行。

四

無物慰蹉跎。占一丘一壑婆娑。閑來點檢平生事。天南地北。幾多塵土。何限風波。花塢與松坡。盡先生少小經過。老來詩酒猶堪在。家山在眼。親朋滿座。不醉如何。

青玉案

落紅吹滿沙頭路。似總被春將去。花落花開春幾度。多情惟有畫梁雙燕。知道春歸處。鏡中冉冉韶華暮。欲寫幽懷恨無句。九十花期能幾許。一卮芳酒。一襟清淚。寂寞西窗雨。

浣溪紗

方口仙翁山北水莊成。良佐以事繫獄。以此寄之。

百折清泉遶舍鳴。隔年楊柳綠陰成。藕花多處一舟橫。行處自由皆樂事。得來無用是虛名。等閑榮辱不須驚。

二 宿孟津官舍

一夜春寒滿下廳。獨眠人起候明星。娟娟山月入疎櫺。萬古風雲雙短鬢。百年身世幾長亭。浩歌聊且慰飄零。

三 外家種德堂

牆外桑麻雨露深。堂前桃李有新陰。高門因見古人心。三世讀書無白屋。一經教子勝黃金。小口先與喚瓊林。

四 史院得告歸西山

萬頃風煙入酒壺。西山歸去一狂夫。皇家結網未曾疎。情性本宜閑處着。文章自付用時無。醉來聊爲鼓隳胡。

五 集句

芍藥初開百步香。小欄幽徑隔長廊。好花都屬富家郎。此樂莫教兒輩覺。老夫聊發少年狂。高燒銀燭照紅妝。

六 往年宏辭御題
有西山晴雪詩

日射雲間五色芝。鴛鴦宮瓦碧參差。西山晴雪入新詩。焦土已經三月火。殘花猶發萬年枝。他年江令獨來時。

七

湖上春風散客愁。芳洲煙景記曾游。人家渾似玉溪頭。楊柳青旗沽酒市。桃花流水釣魚舟。紅塵鞍馬幾時休。

八

錦帶吳鉤萬里行。青雲人物舊知名。百壺春酒過清明。渺渺荒陂口井路。青青楊柳玉關情。殘陽無語下西陵。

九

芳草垂楊長樂坡。兩行紅粉一聲歌。淋漓襟袖酒痕多。夢裏翠翹驚墮枕。愁邊羅襪見凌波。春寒春瘦夜如何。

十

夢遶桃源寂寞迴。春殘滋味似秋懷。多情翻恨酒為媒。數點雨聲風約住。一簾花影月移來。小欄幽迳獨徘徊。

十一

懷李彦深李濟南人
繡江在長白山下

綠綺紅埃試拂絃。今人誰與子爭先。相逢尊酒合留連。金馬玉堂梁苑客。岸花汀草繡江船。舊游回首又三年。

十二

新添別緯
文張兄

欹枕寒鴉處處新。花前鴈後數歸程。小紅燈影鬧春城。兩地相望今夜月。一尊不盡故人情。老懷牢落向誰傾。

十三

新添

畫出清明二月天。山城三月只蕭然。閉門日日枕書眠。川口杏花渾欲雪。山中楊柳不成煙。春風回首又明年。

南鄉子

一雨浣年芳。燕燕鶯鶯滿洛陽。梨雪漸空桃李過。風光恰到風流睡海棠。何處最難忘。楊柳高樓近苑牆。喚取分口狂御史。何妨暫醉佳人錦瑟傍。

二

煙草入西州。暮雨千山獨倚樓。不似秦東亭上飲。風流翠袖春風兩玉舟。事去重回頭。却是多情不自由。為向河陽桃李道。休休青鬢能堪幾度愁。

三

風雨送春忙。爛醉花時得幾場。枝上桃花吹盡也。殘芳一片

陽泉山莊

春風一片香少日為花狂老去逢春只自傷回首十年歡笑處難忘一曲悲歌淚數行

四

少日負虛名問舍求田意未平南去北來今老矣何成一口微官誤半生孤影伴殘更萬里燈前骨肉情短髮抓來看欲盡天明能是青青得幾莖

五

幽意曲中傳總是才情得處偏唱到斷腸聲欲斷還連一串驪珠箇箇圓畫扇綺羅筵韓馬風流在眼前坐上有人持酒聽淒然夢裏梁園又一年

六

新添九日同燕中諸名勝登瓊口故基

樓觀鬱嵯峨瓊島煙光太乙波真見銅駝荆棘裏摩挲前度

青衫淚更多勝日小婆娑欲賦蕪城奈老何千古廢興渾一夢從他且放雲山入浩歌

七

新添飲東原王口章郎中家

促坐燭花紅春到梅邊蠟蒂融南去北來何限客誰同酒令歌籌醉不供聚散落花風恨煞陵臺望眼中人世只除開口笑難逢莫惜金盃到手空

八

花譜得新名一尺紅雲賽洛京舊說採蓮張靜婉難憑楚潤元來更有情秣上艷歌聲虧煞司空自教成前日綠窗今夜夢分明宿酒殘妝未五更

謁金門

漕司口齋

羅衾薄簾外五更風惡醉後題詩渾忘却烏啼殘月落憔悴

何郎東閣宿酒不禁重酌。袖裏梅花春一握。幽懷無處託。

好事近 冬夜有懷

夢裏十年心。情味夢迴猶惡。枕上數行清淚。被驚鳥啼落。西窗瓶水夜深寒。梅花瘦如削。只有一枝春在。問東君留着。

朝中措 永寧時作

連延村落竝步浪反。陽崖川路到山迴。竹樹攢成風月。溪塘隔斷塵埃。小亭幽圃。醅醖未過。芍藥初開。驢上一壺春酒。主人暮厭頻來。

二

繁華。盧溝河上度旃車。行路看宮娃。古殿吳時花草。奚琴塞外風沙。天荒地老。池臺何處。羅綺誰家。夢裏口行燈火。皇州依舊

三

時情天意任論量。樂事苦相妨。白酒家家新釀。黃花日日重陽。城高望遠。煙濃草淡。一片秋光。故國江山如畫。醉來忘却興亡。

四

醉來長缺為誰彈。憔悴入幽燕。一帶秦川如畫。夕陽仙掌空閑。門邊骹髀。胷中魂魄。何苦人間。匹馬明年西去。看君射虎南山。

五 瑞香

御香新拆紫囊封。苒苒綠雲叢。開晚只嗔寒勒。妝成又怕晴烘。化工也為花中第一。薰染偏濃。誰有石家紅錦。重重圍住春風。

六 新添綦君美東海名家大父內翰海陵朝以文章顯
出刺吾州君美以蔭補嘗令湖城晚得見子石桂因
此為賦

添盆新喜萬家傳滿意擲金錢仙果休噴生晚靈椿最得春
偏隆顛犀角丹砂一拂玉潤松堅看取翰林枝葉却如東海
當年

七 新添周帥華
堂紫牡丹

芳苞初破紫霞盃香動綠雲堆只道人間花盡爭知天上春
回朝吟暮繞使君情重不厭頻來好把韶華留住莫教百朶
齊開

八 新添寄楊漕

秋鴻社燕偶相逢鞍馬又西東辜負水南三月安排萬紫千
紅舊游新夢綠波南浦黃葉西風任是麒麟閣上爭如鸚鵡

盃中

九 新添小兒子生適有遭羽
陽宮瓦者因以羽陽字之

添丁名字入新收一長看過頭拾得羽陽宮瓦不愁撞透煙
樓遺山野客求田問舍夢想南州說甚河東三鳳安排老口
班彪

訴衷情

萬人如海一身藏隨例大家忙東華軟紅塵土培口口三郎
蘭若寺玉溪莊兩苧堂雞豚鄉社鷺鴨比鄰好箇崧陽

二

升平責望富民侯愁損抱官囚自家本無煩惱處要鑽頭
山崦寺水心樓去來休醉歸扶路鼓吹鳴蛙部曲黃牛

三

行齋活計五車書。真欲釜生魚。天公也相料理，新得掌中珠。看驥子弄鵝雛。最憐渠。青衫竹馬，後日迎門，好箇高閣。

撒破浣溪紗

新添代贈仲經所親

錦瑟華年燕子樓。楚雲湘雨等閑休。留在貞元供奉曲。儘風流。約略睡痕妝鏡晚。留連香韻瑣窗秋。總道竹西歌吹好。去來休。

秋色橫空

松液香凝澹幽姿。一洗若下宜城。甘腴小苦。中山賦千古齒。頰春生。燈花喜。缸面清。愛竹港冰泉。落枕聲。恰值劉綱夫婦。此日丹成。雲峰翠展畫屏。更口樓水閣。樹擁煙橫。留連光景。中年要歌管陶寫襟。靈人間世。身外名。笑朝馬晨鐘。夢易驚。且留看神仙白晝地行。

思仙會

新添效楊吏部體

人無百年人。枉作千年計。傀儡棚頭。看過幾場興廢。朱顏易改。可惜歡娛地。勸君酒。唱君歌。為君醉。滄溟一葉。正在橫流際。阮籍途窮。啼得血流何濟。天公老大。不管人間世。莫莫休休。莫問甚底。

漁家傲

新添

午醉醒來春欲去。鶯兒燕子都無語。好箇一春行樂處。花無數。寶釵貫酒花前舞。千里驛亭楊柳樹。多情折斷青青纒。春到去。時留不住。留不住。西城日日風和雨。

喜遷鶯

新添

雲雷天造。快嫖姚玉節。生平豪妙。野宿貔貅。江橫組練。畫角一聲霜曉。魚鳥簡書知畏。草木威名先到。更誰似。並虎頭飛。

將封侯差早談笑尊俎地兵衛畫戟燕寢凝香好伏櫪雄心
缺壺高唱意氣不妨傾倒父子一門忠力唯有君恩須報濟
時了看郎山長對元勳難老

遺山先生新樂府卷第二

遺山先生新樂府卷第三

無錫後學華希閔豫原校

平定後學張穆碩洲重校

鷓鴣天

隆德故宮同希顏
欽叔知幾諸人賦

臨錦堂前春水波蘭皋亭下落梅多三山宮闕空瀛海萬里
風埃暗綺羅雲子酒雪兒歌留連風月共婆娑人間更有
傷心處奈得劉伶醉後何

二 木犀

桂子紛翻浥露黃桂花高韻靜生芳薔薇水潤宮衣軟婆律
高秋月殿涼雲岫句海仙方情緣心事兩難忘衰邁枉誤
秋風客可是無塵袖裏香

三 蓮

瘦綠愁紅倚暮煙。露華涼冷洗嬋娟。含情脈脈知誰怨。顧影
依依定自憐。風送雨水連天。凌波無夢夜如年。何時北渚
亭邊月。狼藉秋香拂畫船。

四

零落棲遲感興多。酒盃直欲捲銀河。人間青鏡悲華髮。世外
仙基爛斧柯。長袖舞。抗音歌。月明人影兩婆娑。醉來知被
傍人笑。無奈風情未減何。

五

總道忘憂有杜康。酒逢歡處更難忘。桃紅李白春千樹。古是
今非笑一場。歌浩蕩。墨淋浪。銀釵綰被滿鄰牆。百年得意
多能幾。乞與兒曹說醉狂。

六

中秋飲倪文仲家蓮花
白醉中同李仁欽賦

月窟秋清桂葉丹。仙家釀熟水芝殘。香來寶地三千界。露入
金莖十二槃。天澹澹。夜漫漫。五湖豪客酒腸寬。醉來獨跨
蒼鸞去。太華峰高玉井寒。

七

少日驪駒白玉珂。靈砂犀角費頻磨。西城燈火長安夢。滿意
春風似兩坡。流素月。澹秋河。百年狂興一聲歌。醉歸扶路
人應笑。頭上花枝奈老何。

八

與欽叔京甫市飲

樓上歌呼倒接離。樓前分手却相攜。雨前雨後花枝減。州北
州南酒價低。憐木鴈。笑醯雞。鶴長鳧短幾時齊。醒來門外
三竿日。卧聽春泥過馬蹄。

九

拍塞車箱滿載書。梁鴻元與世相疎。只緣攜手尋歸計。不恨埋頭屈壯圖。蒼玉硯。古銅壺。坐看兒輩了耕鋤。年年此日如川酒。千尺青松儘未枯。

十

長恨簫聲隔粉牆。爭教移住五雲鄉。一溪春水關何事。流出桃花賺阮郎。風攪夢。月侵牀。情緣消得海生桑。鴛鴦不鎖黃金殿。雌蝶雄蜂枉斷腸。

十一 效朱希真體

十步宮香出繡簾。惱人簾底月纖纖。五花驕馬垂楊渡。辜負仙郎側帽簷。秋澹澹。酒厭厭。新詩和恨入香奩。相思恰似鴛鴦錦。一夜新涼一夜添。

十二 宮體八首

候館燈昏雨送涼。小樓人靜月侵牀。多情却被無情惱。今夜還如昨夜長。金口煖。玉爐香。春風都屬富家郎。西園何恨相思橫。辛苦梅花候海棠。

十三

翡翠鴛鴦不自由。鏡中鸞舞只堪愁。庭前花是同心樹。山上泉分兩下流。金絡馬。木蘭舟。誰家紅袖水西樓。春風殢殺官橋柳。吹盡香綿不放休。

十四

天上翬支說館娃。眼中金翠有芳華。行雲着意留歌扇。遠柳無情隔鈿車。周昉畫。洛陽花。數枝濃艷落誰家。春寒恨殺如年夜。庭樹陰陰欲暮鴉。

十五

陽泉山莊

小字繚綾寫欲成。印來眉黛綠分明。水流刻漏何曾住。玉作
彈碁儘未平。愁易積。夢頻驚。閑衾歌枕覺霜清。月明不放
寒枝穩。夜夜烏啼徹五更。

十六

自在晴雲覆苑牆。徘徊明月駐清光。已看紅口霑口酒。猶認
宮螺映綺窗。金翡翠。繡鴛鴦。春風花煖柳綿香。殷勤未口
閑情賦。不願將身作枕囊。

十七

複幕重簾錦作天。金壺銀燭夜如年。漢臯解珮終疑夢。緜嶺
吹笙恰是仙。花一夢。柳三眠。春風無意惜芳妍。羅裙細看
輕盈態。元在罾支阿那邊。

十八

八繭吳蠶剩欲眠。東西荷葉兩相憐。一江春水何年盡。萬古
清光此夜圓。花爛錦。柳烘煙。韶華滿意與歡緣。不應寂寞
求凰意。長對秋風泣斷絃。

十九

好夢初驚百感新。誰家歌管隔牆聞。殘燈收罷空明月。臘雪
消融更暮雲。鶯有伴。鴈離羣。西窗寂寞酒微醺。春寒留得
梅花在。剩為何郎瘦幾分。

二十

效東坡體

煮酒青梅入座新。姚家池館宋家鄰。樓中燕子能留客。陌上
楊花也笑人。梁苑月。洛陽塵。少年難得是閑身。殷勤昨夜
三更雨。乘醉東城一日春。

二十一

陽泉山莊

卷三

四

陽泉山莊

酒興濃於琥珀濃。爭教相望水西東。寒食清明後天氣。
輕煙細雨中。花不盡。柳無窮。賞心難。是此時。同阿連。近日
歌喉穩。唱得春宵燭影紅。

二十二

短髮如霜久已拚。無冠可挂更須彈。初聞古寺多偃鬼。又說
層冰有熱宮。閑處坐。靜中看。時情天意酒杯乾。籬邊老却
陶潛菊。一夜西風一夜寒。

二十三

華表歸來老令威。頭皮留在姓名非。舊時逆旅黃梁飯。今日
田家白板扉。沽酒市。釣魚磯。愛閑真與世相違。墓頭未要
征西字。元是中原一布衣。

二十四

拋却浮名恰到閑。却因猥懶得顛顛。從教道士誇懸解。未信
禪和會熟謾。山院靜。草堂寬。一壺濁酒兩蒲團。題詩寄與
王夫子。乘興時來看藥欄。

二十五

只近浮名不近情。且看不飲更何成。三盃漸覺紛華遠。一斗
都澆魄磊平。醒復醉。醉還醒。靈均憔悴可憐生。離騷讀殺
渾無味。好箇詩家阮步兵。

二十六

枕上清風午夢殘。華胥東望海漫漫。湖山似要閑身管。花柳
難將病眼看。三徑在。一枝安。小齋容膝有餘寬。鹿裘孤坐
千峰雪。耐與青松老歲寒。

二十七

村裏黃香綽家中。白侍郎石曼卿句。

總道粗公不易量。朝三暮四儘無妨。舊時鄴下劉公幹。今日
家中白侍郎。歌浩蕩。酒淋漓。浮雲身世兩相忘。孤峰頂上
青天闊。獨對春風舞一場。

二十八

白白紅紅小樹花。春風滿意與鉛華。煙宵自屬千金馬。月且
真成兩部蛙。諸葛菜。邵平瓜。白頭孤影一長嗟。南園睡足
松陰轉。無數蜂兒趁晚衙。

二十九

偃蹇蒼山卧北岡。鄭莊場圃入微茫。卽看花樹三春滿。舊數
松風六月涼。蔬近井。蜜分房。茅齋堅坐有藜牀。傍人錯比
揚雄宅。笑煞韓家畫錦堂。

三十

薄命妾辭三首

複幕重簾十二樓。而今塵土是西州。香雲已失金鈿翠。小景
猶殘畫扇秋。天也老。水空流。春山供得幾多愁。桃花一簇
開無主。儘着風吹雨打休。

三十一

顏色如花畫不成。命如葉薄可憐生。浮萍自合無根蒂。楊柳
誰教管送迎。雲聚散。月虧盈。海枯石爛古今情。鴛鴦雙影
江南岸。腸斷枯荷夜雨聲。

三十二

一日春光一日深。眼看芳樹綠成陰。娉婷盧女嬌無奈。流落
秋娘瘦不禁。霜塞闊。海煙沉。燕鴻何地更相尋。且教會得
琴心了。辭盡長門買賦金。

三十三

玉立芙蓉鏡裏看鉛紅無地着邊鸞半衾幽夢香初散滿紙
春心墨未乾深院落曲欄千舊歡新恨紵衣寬幾時忘得
分攜處黃葉踈雲渭水寒

三十四

百轉嬌鶯出畫籠一雙胡蝶帶芳叢蔥蘢花透纖纖月黯澹
香搖細細風情不盡夢還空歡緣心事淚痕中長安西望
腸堪斷霧閣雲窻又幾重

三十五 新添山陽七聖堂

沙岸縈回入草泥霜餘煙景自悽迷樹嫌川近重重掩雲
村深故故低茅蓋屋稻分畦何人今日此幽棲十年來往
山陽道只道清溪過馬蹄

踏莎行

微步生塵殘妝暈酒朱門如海空回首東風正有去年華柔
條去作誰家柳細雨春寒燈青夜久孤衾未煖還分手夢
中見也不多時怎生望得長相守

玉樓春

吹臺蕭瑟行雲暮一片雨聲連禁樹正當潘岳感秋時不到
杜陵懷古處百年同是紅塵路行近醉鄉差有趣坐中誰
是獨醒人我醉欲眠卿可去

桃源憶故人 代贈長佐所新

楚雲不似陽臺舊只是無心出岫竹外天寒翠袖寂寞啼妝
瘦絃聲宛轉春風手殢得行人病酒明日西城回首腸斷
江南柳

虞美人 題蘇小小圖

桐陰別院宜清晝入座春山秀美人圖子阿誰留都是宣和
名筆內家收鶯鶯燕燕分飛後粉淡梨花瘦只除蘇小不
風流倒插一枝萱草鳳釵頭

一
櫻桃元是仙郎種次第芳菲動開殘山杏沒都紅一樹梨花
如雪月明中三生蝶化南華夢只有情緣重曲欄幽徑小
簾櫳好共掃眉才子管春風

小重山

醉盡春風意未闌纏頭雙鳳錦覓端端多情胡蝶送歸鞍揚
州夢芍藥薦金槃羅幌酒醒寒燈前朱麝淺翠螺殘一春
心事紵衣寬青鸞客樓外日三竿

二

酒冷燈青夜不眠寸腸千萬里兩相牽鴛鴦秋雨半池蓮分
飛苦紅淚曉風前天遠鴈翩翩鴈來人北去遠如天安排
心事待明年無情月看待幾時圓

定風波

白水口田萬頃秋風煙平楚散羊牛莫放相公黃閣去留取
笑談尊俎也風流華表仙人人不識今夕鹿車也到百花
州好把襄江都釀酒為壽壽星光彩動南州鄧帥漆水公壽
筵逾東大使君
在焉大有道術
時年九十三矣

二

白髮相看老弟兄恨無一語送君行至竟交情何處好向道
不如行道本無情少日龍門星斗近爭信淒涼湖海寄餘
生耆舊風流誰復似從此休將文字占時名楊叔能將歸淄
州與予別於山
陽泉山莊

陽作鷓鴣詞留贈云解后梁園對榻眠舊游回首一凄然當時好客誰為最李趙風流兩謫仙居接棟榭鄰田與君詩酒度口年飄零南北如相避開歲還分壠上家因用其意答之李趙謂閑閑公與屏山

三鄉光武廟懷故人劉公景玄

熊耳東原漢故宮登臨猶記往年同底事愛君詩句好解道
河山浮動酒盃中存沒悠悠三十載誰會白頭孤客坐書
空黃土英雄何處在須待醉尋蕭寺哭春風

四

離合悲歡酒一壺白頭紅頰醉相扶見說德星今又聚何處
范家亭上會周吳造物有情留此老人道洛西清燕百年
無六客不爭前與後好口龍眠老筆畫新圖永寧范使君園器汾陽伍亭甫北燕吳子英趙郡蘇君顯淄川李德之用東坡體擬六客詞

五新添兒于中百峰日作

五色蓮盆玉雪肌青搽紅抹總相宜且道生男何足愛爭奈
隆顛犀角眼中稀六十平頭年運好投老大兒都解把鋤
犁醉眼看花驢背上豪放阿齡扶路阿中墮

六新添

何處如今更有詩爭教風鬢見橫枝詩到梅邊誰最似除是
玉顏寂寞酒清時為向雲間公子道聞早安排歡賞惜幽
姿十日留花花未遇容我醉圍紅袖寫烏絲

一落索戲王同年鼎玉

人見何郎新來瘦不見天寒翠袖繡被薰香透幾時却似鴛
鴦舊九十日春光在手可惜歡緣未久去去休回首柔條去作誰家柳

採桑子

三五盈盈當作盈盈三五

兒家門戶重重掩。郎住牆東。枉破春工。萬紫千紅一夜風。伯勞分背西飛燕。何日相逢。縱得相逢。海闊天高處處同。

婆羅門引 四首 望月

素蟾散彩。九秋風露發清妍。嫦娥儘有情緣。留着三五盈盈。永夜照憑肩。看晚妝臨鏡。若箇嬋娟。尋常月圓恨。都向別時偏。幾度郵亭枕上。野店尊前。珠明玉秀。算一日相看一日。仙人共月長似今年。

二 新添過孟津 河山亭故基

短衣匹馬白頭重。過雒陽城。百年一夢初驚。寂寞高秋雲物。殘照半林。明澹橫舟。古渡落鴈寒汀。河山故亭人與鏡。兩崢嶸。爭信黃墟此日。深谷高陵。一時朋輩。謾留在窮途阮步兵。尊俎地誰慰飄零。

三 新添兗州龍興閣感寓

嶧山霽雪九層飛。觀鬱崢嶸。風煙畫出新亭。老眼來今往古。天地兩無情。但浮雲平野。短日蕪城。酒狂步兵。書與劍此飄零。為問雲間雞犬。幾度丹成。停盃不語。竟何用千秋身後名。休自倚湖海平生。

四 新添亦名菊潭秋

商於六里野潭千古口。煙霞靈苗鬱鬱無涯。浩蕩青冥風露。金素發清華。散霜叢彌岸。月影明沙。仙經浪誇種。瑶草養鉛砂。爭信瓊盃芳薦。藥鏡黃芽。秋香晚節。也分到山中宰相家。休更羨劉阮桃花。

梅花引

牆頭紅杏粉光勻。宋東鄰。見郎頻。腸斷城南消息未全真。拾

真山先生新集詩

卷三

十

陽泉山莊

泰和中西利主人家女阿金泣色
佳妙其家亦得佳婿使女自
擇自其即獨華腰且以文
采風流自必欲得之者見

郎瑛歎其活而去他口又約于城南郎瑛不采其後後
不有說 先官陝右女家不
女婚不自御妾用是活疾
去二三日而死又數年郎仕
駭海過官史通駭動者持
宣錢告女墓云郎今未歸
女知之耶問考悲之州有
元魏離宮在河中洋士月夜
此歌也魏城未野花開如
予亡金娘怨用揚白花等
詞云金情出天嬌妻力拾
揚花落沾腰去去秋來
變燕子願卿揚花入窠
袁郎中胡貴游不此斥
其名借古誇道之讀也
尚以志曉云骨化形銷冊
誠不泯因風委露猶托清
塵是雀浪書詞事見元
相國傳記 井本有引

得楊花雙淚落。江水闊。年年燕語新。見說金娘埋恨處。疾
藜沙草不知春。離魂一雙鴛鴦去。寂寞誰親。唯有因風委露
託清塵。月下哀歌宮殿古。暮雲合。遙山入翠顰。

二 新添同張仲經
楊飛卿賦青梅

綠華仙。萼綵雲間。雪消殘。擁香口。隨意輕勻。淺注儘高閑。向
道是梅剛不信。更誰占。東風最上番。韻絕。秀絕。香又絕。恨
千山。復千山。才情似記何郎句。清淚班班。寂寞孤村籬落小
溪灣。脩竹蕭蕭霜月苦。好留與。青綾護曉寒。

品令

幽齋向曉。窗影動人聲。悄夢中行處。數枝臨水。幽花相照。把
酒長歌。猶記竹間啼鳥。風流易老。更常被。閑愁惱。年年春
事。大都探得。歡游多少。一箇狂風。又是海棠過了。

惜奴嬌

畫扇高秋。恨塵暗。秦王女。澗東城。春煙綠樹。燕子來時。應解
說征鞍處。記取。未忘得。蘭膏香聚。枕上新聲。斷腸是江南
句。更行雲無心也住。未了情緣。算惟有。相將去。去。枉輕負。梨
花暮雨。

樂府烏衣怨 舊名點絳脣

香冷雲兜。後期紅線。知何許。謝家兒女。解得辭巢語。畫棟
珠簾恨。不經年。住。恁恁去。岸花汀樹。寂寞瀟湘雨。

二

繡佛長齋。半生枉伴蒲團過。酒壚橫卧。一蹴虛空破。頗笑
張顛自謂無人。和還知。麼。醉鄉天大口。我神仙我。

江城子 十六首
賦牡丹

豐山先生新樂府 卷三 十一 陽泉山莊

姚家池館魏家鄰。上番春姓名新。傾國傾城爲雨復爲雲。水
北水南無別物。金屑粉麝香塵。折枝圖上看精神。見來頻
畫來真。辦作黃徐無負百年身。也待不來花下醉。嫌笑殺洛
陽人。

二 做花間體詠海棠

蜀禽啼血染冰梨。趁花期占芳菲。翠袖盈盈凝笑弄晴暉。比
盡世間誰得似。飛燕瘦玉環肥。一番風雨未應稀。怨春遲
怕春歸。恨不高張紅錦百重圍。多載酒來連夜看。嫌化作彩
雲飛。

三 釣壇見嚴光傳

醉來長袖舞雞鳴。短歌行壯心驚。西北神州依舊一新亭。三
十六峰長劔在。星斗氣鬱崢嶸。古來豪俠數幽并。鬢星星

竟何成。他日封侯編簡爲誰青。一掬釣魚壇上淚。風浩浩雨
冥冥。

四 寄德新丈

春風花柳日相催。浙江梅臘前開。開徧山桃恰口口。醉醲商
嶺東來三百里。紅作陣綠成堆。半山亭下釣魚臺。拂層崖
坐蒼苔。林影湖光佳處兩三盃。恨殺玉溪王老子。忙箇甚不
同來。

五 送人歸舊居

草堂蕭灑浙江頭。傍林丘買扁舟。隔岸紅塵無路近。沙鷗枕
上有書樽。有酒身外事更何求。暮雲歸鳥仲宣樓。樊貂裘
爲誰留。千古書生那得盡。封侯好在半山亭。下路聞未老去
來休。

六 賦芍藥揚州紅

司花着意壓春鬼。綠雲堆擁香來。冉冉紅鸞十步一徘徊。花到揚州佳麗種。金作屋玉為塔。一作臺門前鼙鼓揭春雷。倚妝口儘人催。鶯語丁寧空遶百千迴。不道惜花人欲去。看直待幾時開。

七 內鄉縣麻芳菊堂前大醉醺架芳香絕異常年開時人有見素衣美婦祖視之無有也或者以為花神故

織條嫋嫋雪蔥蘢。翠陰重煖香融。想是春工滿意與薰釀。百畹種蘭千畝蕙。都辦作一簾風。花開人似玉芙蓉。月明中下瑤宮。只恐行雲歸去捲花空。刺着瓊盃斟曉露。留少佳。莫恁恁。

八 崧山中作

衆人皆醉屈原醒。笑劉伶酒為名。不道劉伶久已笑螟蠹。死葬糟丘。殊不惡綠底事。赴清冷。醉鄉千古一升平。物忘情我忘形。相去羲皇不到一牛鳴。若見三閭憑寄語。尊有酒可同傾。

九

二更轟飲四更迴。冥繁臺盡鄒枚。誰念梁園回首便成灰。今古廢興渾一夢。憑底物寄悲哀。青天蕩蕩鏡奩開。月光來且徘徊。何用東生西沒苦相催。世事悠悠吾老矣。歌一曲盡餘盃。

十 夢德新丈因及欽叔舊游河山亭在河口

河山亭上酒如川。玉堂仙重留連。尤恨春風桃李負芳年。長記鶯啼花落處。歌扇後舞衫前。舊游風月夢相牽。路三年。

去無緣滅沒飛鴻一線入秋煙白髮故人今健否西北望一
潛然

十一 劉濟川來別同宿會康夢與予過田家飲行及太
原作此為寄濟川口昌諸孫在口上時乃與伯玉
知幾
游從

來鴻去鴈十年間鏡中看各衰顏恰待蒙泉東畔買青山夢
裏鄰村新釀熟攜竹杖款柴關 人生誰得老來閑記清歡
見君難長路悠悠回首暮雲還斷嶺不遮南望眼時為我一
憑欄

十二 觀別

旗亭誰唱渭城詩酒盈卮兩相思萬古垂楊都是折殘時舊
見青山青似染綠底事淡無姿 情緣不到木腸兒鬢成絲
更須辭只恨芙蓉秋露冷臙脂為問世間離別淚何日是滴

休時

十三

河堤煙樹渺雲沙七香車更天涯萬古千秋幽恨入琵琶想
到都門南下望金縷暗玉釵斜 津橋春水浸紅霞上陽花
落誰家獨恨經年培養牡丹芽寒鴈歸時憑寄語莫容易損
容華

十四

行雲冉冉度關山別時難見時難悵望南風早晚送雲還心
事情緣千萬劫無計解玉連環 夕陽人影小樓閑曲闌干
晚風寒料得而今前後望歸鞍寂寞梨花枝上雨人不見與
誰彈

十五

杏花開過雪成團。惜朱顏。負清歡。只道今年春意已闌珊。却是地偏芳信晚。紅數點。小溪灣。碧壺香供挽春還。一枝閑。淡相看。月落山空。誰與護朝寒。傳語春風留客好。莫容易。便吹殘。

十六

東原幕府諸公送予西湖行及陽穀作此為寄

江山詩筆仲宣樓。弊貂裘。儘風流。獨恨煙花三月出東州。愛煞津亭亭口口。無一語。只相留。來鴻去燕兩悠悠。別離愁。幾時休。得似孤城春水一沙鷗。寄謝西湖追送客。分手地。莫回頭。

遺山先生新樂府卷第三

遺山先生新樂府卷第四

無錫後學華希閔豫原校

平定後學張穆頤洲重校

清平樂 杏花

香團嬌小。拍拍知多少。一樹鉛華春事了。消甚珠圍翠繞。生紅鬧簇枯枝。只愁吹破胭脂。說與東風知道。杏花不看開時。

二 游少室清微宮雪溪

溪頭來去。坐卧沿溪樹。管甚人間無着處。已被白雲留住。生平不置肝腸。只今物我都忘。說與山中魚鳥。相親相近何妨。

三 泰山上作

江山殘照落落舒清眺。澗壑風來號萬竅。盡入長松悲嘯。并蛙瀚海雲濤醯雞日遠天高醉眼千峰頂上世間多少秋

四 罷鎮平歸西山草堂

垂楊小渡處處歸鞍駐八十田翁良愧汝把酒千言萬語細侯竹馬相從笑渠奔走兒童十里村簫社鼓依然傀儡棚

五

離腸死轉瘦覺妝痕淺飛去飛來雙語燕消息知郎近遠樓前小雨珊瑚海棠簾幕輕寒杜宇一聲春去樹頭無數青

六

蘭膏香聚醉枕聞低語一刻春宵流水去訴得離情幾許桃花紅淺紅深五年煙草歸心留得一枝春在爭教綠葉成

七

香凝嬌聚玉立臨春樹細看司花留意處都在輕勻淺注相逢南陌東城有情只似無情說與新來憔悴鶯兒不解丁

八 憶鎮陽

悲歌聚散世事天誰管梳去梳來雙鬢短鏡裏看看雪滿燕南十月霜寒孤身去住都難何日西窗燈火眼前兒女團

九

丹書碧字細說金華事。試問誰邊堪舉似。除却青蓮居士。胎仙八表冷風爭。教低首樊籠。夢裏雲裝煙駕。倚天壇影西東。

十 嘲兒子日

嬌鶯姪姪。解說三生話。試看青衫騎竹馬。若箇張萱許畫。西家撞透煙樓。東家談笑封侯。莫道元郎小小。明年部曲黃牛。

十一 贈句龍英孺家中女子阿金張仲繼二女名蘭楚

瓊枝瑤草來自三山島。莫道生男堪慰老。掌上金兒更好。燕脂杏蕾生紅繡。襦學弄春風。好共蘭蘭楚楚。畫教七巧圖中。

十二 光甫副使壽席鵝雛指渠兒子阿咬

春風傾倒京雒春。回早走馬章臺人未老。金翠鵝雛更好。安排美景良辰。放教花柳攬新。誰似君家池館。又添丹桂靈椿。

十三 已亥春濟原奉先觀付杏花

小橋流水一逕脩篁裏。走馬章臺人老矣。只愛明窗淨几。杏花白白紅紅花。時日日狂風。不是碧壺香供。真成惱破春工。

浪淘沙

春風浪淘沙。春思如沙。雨聲滴與柳花。詩句入冥搜。欲寫還休。人間情是阿誰留。千丈游絲不落地。風外悠悠。煙雨晚山稠。人倚西樓。衡陽歸鴈滿沙頭。一種江城寒夜客。一種春愁。

二

暈山七斤樂府

卷四

三

陽泉山莊

雲外鳳凰簫。天上星橋。相思魂斷欲誰招。瘦煞三山亭畔柳。不似宮腰。長日篆煙消。睡過花朝。紅薔薇架碧芭蕉。雌蝶雄蜂天不管。各自無聊。

三

春瘦怯春衣。春思低迷。雨聲偏與睡相宜。懊惱離愁尋殢酒。已被愁知。煙樹望中低。水繞山圍。丁寧雙燕語心期。昨夜狂風花在否。明日即歸。

四

金翠畫屏山。萬髻千鬟。桃源樓閣五雲間。恨煞芙蓉城下客。不借青鸞。風雨杏花殘。芳意都闌。一燈孤影小窗閑。繡被薰來香欲盡。只是春寒。

五 為煙中樹作

楊柳日三眠。桃李爭妍。千金誰許占芳年。買得閑愁無着處。却恨春偏。流水武陵源。夢引愁牽。東風歸興燕翩翩。試問西窗前夜月。幾度嬋娟。

西江月

懸玉微風度曲。薰爐熟水留香。相思夜夜鬱金堂。兩點春山枕上。楊柳宜春別院。杏花宋玉鄰牆。天涯春色斷人腸。更是高城晚望。

古烏夜啼 玉簪

花中閑遠風流。一枝秋。只在十分清瘦。不禁愁。人欲去。花無語。更遲留。記得玉人遺下玉搔頭。

人月圓

立都觀裏桃千樹。花落水空流。憑君莫問。清涇濁滑。去馬來

牛○謝公扶病羊曇揮涕一醉都休古今幾度生存華屋零
落山丘

二卜居外家東園

重岡已隔紅塵斷村落更年豐移居要就窗中遠岫舍後長
松十年種木一年種穀都付兒童老夫唯有醒來明月醉
後清風

沁園春 除夕二首

腐朽神奇夢幻吞侵朝昏變遷悵殘燈舊歲雞聲競早春風
歸興鴈影相先南渡崩奔東屯留滯世事悠悠白髮邊虛名
誤徧人間浪走恰到求田青紅花柳爭妍意醉眼天公也
放顛更雲雷怒捲頰波一注冰霜冷看老檜千年園令家居
陶潛官罷無酒令人意缺然教口去付青山枕上明月尊前

二

再見新正去歲逐貧今年送窮算公田二頃誰如元亮吳牛
十角未比龜蒙面目堪憎語言無味五鬼行來此病同齏鹽
裏似揚雄寂寞韓愈龍鍾何人炮鳳烹龍且莫笑先生飯
甑空便來朝看鏡都無勳業拈將詩筆猶有神通花柳橫陳
江山呈露盡入經慘澹中閑身在看薄批明月細切清風

太常引

五雲樓觀日華東看天上建章宮入海混魚龍比自古中原
更雄紫垣星月禁階燈火朝馬鬧晨鐘一夢轉頭空恍猶
在邯鄲道中

二

渚蓮寂寞倚秋煙幽思入哀絃高樹記離筵似昨日郵亭道

邊○白頭青鬢舊游新○
相對兩淒然○
驕馬弄金鞭○
也曾是長安少年

三

官街楊柳絮飛忙○
鞍馬送年芳○
詩興更教狂○
算能醉花前幾場○
滿城桃李一枝香○
雪不屬富家郎○
風雨沒商量○
快來與梨花洗妝

四 東原上清宮同楊飛卿夜話
汝梁舊遊道懷飲叔內翰

十年流水共行雲○
相見重情親○
滄海坐揚塵○
便疑是前身○
後身風臺月謝舞○
裙歌扇樂事幾回新○
莫話洛陽春○
更誰似金鑾故人

五 寄酒泉帥張奧子明子明鄠陽關去酒泉百里而遠故云

田園松菊自由身○
鞍馬老紅塵○
鵝鴨惱比鄰○
算未羨凌煙寫

真○花時風雨長年哀○
樂白髮為誰新○
休唱渭城春○
怕憶着西州故人

六

水○光○林○影○入○憑○欄○
花○柳○占○春○寬○
三○月○錦○成○團○
為○洗○盡○山○陰○暮○
寒○玉○峰○詩○老○
為○君○吟○嘯○
不○醉○有○餘○歡○
人○物○後○來○看○
口○畫○作○臨○流○幼○安

七

東園歌管日相娛○
佳釀出兵厨○
陶寫在桑榆○
便鶴到揚州○
未如歌紅濃露○
綠陰清吹長口下樓居○
高枕即吾廬○
更何待將軍報書

水龍吟

後高師國送於南陽日什澤與王賦此

少年射虎名豪等○
閑赤羽千夫○
膳金鈴錦領平原○
千騎星流

電轉路斷飛潛霧隨騰沸長圍高掩看川空谷靜旌旗動色
得意似平生戰城月迢迢鼓角夜如何軍中高宴江淮草
木中原狐兔先聲自遠蓋世韓彭可能只辦尋常鷹犬問元
戎早晚鳴鞭徑去解天山箭

二 中秋

舊家八月池臺露華涼冷金波漲寧王玉笛霓裳仙譜涼州
新釀一枕開元夢恍猶記華清天上對昆明火冷逢萊水淺
新亭淚空相向爛熳東原此夕夜如何高秋空曠一杯徑
醉憑君莫問今來古往萬里孤光五湖高興百年清賞倩何
人喚取飛瓊佐酒作穿雲唱

三 中秋

素丸何處飛來照人只是承平舊兵塵萬里家書三月無言

料

搔首幾許光陰幾回歡聚長教分手口婆娑桂樹多應笑我
憔悴似金城柳不愛竹西歌吹愛空山玉壺清畫尋常夢
裏膏車盤谷挈舟方口不負人生口來唯有中秋重九願年
年此文團樂兒女醉山中酒

四 同德秀游盤谷

接雲千丈層崖古來此地風煙好青山得意十分濃秀都將
傾倒可恨孤峰幾回空見松筠枯槁自都門送別膏車秣馬
誰更問一作盤中道我愛陂塘南畔小川平橫岡廻抱野
麋山鹿平生心在長林豐草婢織奴耕歲時供我酒船茶竈
把人間萬事從頭放下只山間老

五

百年同是行人醉鄉獨有歸休地此心安處良辰美景船船

稱○遂○力○士○錯○頭○舒○州○杓○畔○不○妨○游○戲○算○為○狂○為○隱○非○狂○非○隱○
人○誰○解○先○生○意○莫○笑○糊○塗○老○眼○幾○回○看○紅○輪○西○墜○一○杯○到○
手○人○問○萬○事○俱○然○少○味○范○蠡○張○良○儘○他○驚○怪○陳○搏○貪○睡○且○陶○
陶○兀○兀○今○朝○醉○了○更○明○朝○醉○

六 東園醉後

兩○年○金○鳳○城○邊○等○閑○又○見○東○風○菜○侯○門○慣○客○東○園○高○宴○青○雲○
飛○蓋○水○上○幽○亭○恍○然○真○似○蘭○舟○同○載○望○紅○樓○翠○壁○青○田○白○鷺○
誰○信○是○山○陰○寒○鬱○鬱○林○梢○紫○動○便○安○排○春○來○天○外○醉○魂○搖○
蕩○尊○前○何○恨○狂○香○浩○態○高○枕○吾○廬○倒○衣○命○駕○心○期○長○在○為○使○
君○料○理○潘○郎○老○鬢○儘○花○枝○戴○

七

漢○家○金○粟○堆○空○玉○花○驚○見○天○池○種○并○州○畫○角○危○腸○淒○斷○清○霜○

曉○弄○世○事○浮○雲○白○衣○蒼○狗○知○誰○搏○控○恨○北○平○老○守○南○山○夜○獵○
風○雨○暗○貂○裘○重○總○道○煙○霄○失○路○意○平○生○依○然○飛○動○高○城○置○
酒○汾○流○澹○澹○無○言○目○送○寶○劍○千○金○儘○堪○傾○倒○玻○璃○春○甕○問○波○
柝○剩○借○橫○江○組○練○挽○青○絲○夢○

眼兒媚

阿○儀○醜○筆○學○雷○家○遶○口○墨○糊○塗○音今○口○解○道○疎○籬○凍○雀○遠○樹○
昏○鴉○乃○公○行○坐○文○書○裏○面○皺○鬢○生○華○兒○郎○又○待○吟○詩○寫○字○
是○甚○生○涯○

木蘭花慢 孟津官舍寄欽若欽用昆弟并長安故人

流○年○春○夢○過○記○書○劍○入○西○州○對○得○意○江○山○十○千○沽○酒○著○處○歡○
游○興○亡○事○天○也○老○儘○消○沉○不○盡○古○今○愁○落○日○霸○陵○原○上○野○煙○
凝○碧○池○頭○風○聲○習○氣○想○風○流○終○擬○覓○菟○裘○待○射○虎○南○山○短○

口韓水巨圖
返二韓水有隨字

衣匹馬騰踏清秋黃塵道何時了料故人應也怪遲留只問
寒沙過鴈幾番玉粲登樓

二

擁都門冠蓋瑤口秀轉春暉悵華屋生存山丘零落事往人
非追口舊家誰在但千年遼鶴去還歸繫馬鳳凰樓柱倚弓
玉女窻扉江頭花落亂鶯飛南望裏依依渺天際歸舟雲
間汀樹水繞山圍相期更當何處算古來相接眼中稀寄與
蘭成新賦也應為我沾衣

三

賦招魂九辨一尊酒與誰同對零落樓遲興亡離合此意何
窮恩恩百年世事功名多在黑頭公喬木蕭蕭故國孤鴻
澹澹長空門前花柳又春風醉眼眩奇紅問造物何必村

必韓水巨圖

簫社鼓奔走兒童天東故人在莫生平豪氣滅元龍夢到
琅邪臺上依然湖海沉雄

四

對西山搖落又匹馬過并州恨秋鴈年年長空澹澹事往情
留白頭幾回南北竟何人談笑得封侯愁裏狂歌濁酒夢中
錦帶吳鉤巖城笳鼓動高秋萬竈擁貔貅覺全晉山河風
聲習口未滅風流風流故家人物慨中宵拊枕憶同遊不用
聞雞起舞且須乘月登樓

五 遊三臺二首

擁巖巖雙闕龍虎氣鬱崢嶸想暮雨珠簾秋香桂樹指顧臺
城口口為誰西望但哀絃淒斷似平生只道江山如畫爭教
天地無情風雲奔走十年兵慘澹入經營問對酒當歌曹

遺山先生集卷四 九
侯○暮○上○何○用○虛○名○青○青○故○都○喬○木○限○西○陵○遺○恨○幾○時○平○安○得○
參○軍○健○筆○爲○君○重○賦○蕪○城○

六
渺○漳○流○東○下○流○不○盡○古○今○情○記○海○上○三○山○雲○間○雙○闕○當○日○南○
城○黃○星○幾○年○飛○去○澹○春○陰○平○野○草○青○青○冰○井○猶○殘○石○甃○露○槃○
已○失○金○莖○風○流○千○古○短○歌○行○慷○慨○缺○壺○聲○想○灑○酒○臨○江○賦○
詩○鞍○馬○詞○氣○縱○橫○飄○零○舊○家○王○粲○似○南○飛○鳥○鵲○月○三○更○笑○煞○
西○園○賦○客○壯○懷○無○復○平○生○

七 送親家又問夢綢

又○東○門○送○客○側○身○西○望○長○嗟○算○萬○里○功○名○幾○番○風○雨○何○限○雲○
沙○相○看○已○過○半○百○甚○年○年○各○在○一○天○涯○秋○氣○偏○催○過○鴈○疎○煙○
細○點○歸○鴉○旌○旗○未○卷○鬢○先○華○清○淚○落○悲○笳○問○蜀○道○登○天○錦○

城○雖○好○得○似○還○家○關○心○老○來○婚○嫁○要○與○余○鄰○屋○其○煙○霞○到○口○
征○西○車○馬○輸○他○杜○曲○桑○麻○

八 送取新歸隱山陽兼簡王川同社

澹○西○園○暮○景○對○別○酒○惜○臨○分○愛○襖○被○中○臺○挂○冠○神○武○誰○得○如○
君○紛○紛○道○途○鞍○馬○甚○當○時○王○粲○也○從○軍○處○處○驚○鳥○夜○月○年○年○
落○鴈○橫○汾○菟○裘○老○計○在○耕○耘○風○口○出○塵○氛○記○沁○北○丹○東○松○
栝○石○潤○菊○秀○蘭○薰○林○泉○竟○輸○先○手○漫○回○頭○慚○愧○玉○山○雲○寄○謝○
雞○豚○社○客○草○堂○未○要○移○文○

九 贈吹簫策者張嘴兒暨乃婦田氏合曲賦此

要○新○聲○陶○寫○奈○聲○外○有○聲○何○愴○銀○字○安○清○珠○繩○瑩○滑○怨○感○相○
和○風○流○故○家○人○物○記○諸○郎○吹○管○念○奴○歌○落○日○邯○鄲○老○樹○秋○風○
太○液○滄○波○十○年○燕○市○重○經○過○鞍○馬○宴○鳴○珂○趨○飢○鳳○微○吟○嬌○

鶯巧囀紅卷鈿螺纏頭斷腸詩句似鄰舟一聽惜蹉跎休唱
貞元舊曲向來朝土無多

庚寅四月初五日

彭孝如禪侶

辛卯三月晦再閱



鵲橋仙

梨花春暮垂楊秋晚歸袖無人重挽浮雲流水十年間算只
有青山在眼風臺月榭朱唇檀版多病全疏酒盞劉郎爭
得似當年比前度心情更減

遺山先生新樂府卷第四

